

1. Komunalno Preduzeće za pogrebnu djelatnost „ SVETI MARKO “ a.d. Istočno Novo Sarajevo, ul. Karadorđeva br.2, ID broj : 4400538910000, PDV broj: 400538910000 koje zastupa direktor preduzeća Branka Obućina bez ograničenja (u daljem tekstu : **Naručilac građevinskih radova**)

i
2. „ AIZ “ d.o.o. ul. Akademika Vojina Komadina br.50, Istočna Ilidža, Istočno Sarajevo, JIB broj:4401959980003, koje zastupa Siniša Vitković bez ograničenja (u daljem tekstu : **Izvođač građevinskih radova**)

Zaključili su u sjedištu Naručioca građevinskih radova

UGOVOR O DIREKTNOJ NABAVCI GRAĐEVINSKIH RADOVA

I UVODNE ODREDBE

Član 1.

Na osnovu Odluke br. 01 – 312 / 19 od 25.11.2019.godine, Naručilac radova – Građevinski radovi u objektu sjedišta Preduzeća – unutrašnji radovi, fasada, betoniranje proveo je direktni sporazum javne nabavke radova – Građevinski radovi u objektu sjedišta Preduzeća, Odlukom o izboru najpovoljnijeg ponuđača broj: 01 – 322 / 19 od 04.12.2019. godine, prihvatio ponudu Izvođača građevinskih radova br: 141 /19 od 29.11.2019. godine.

II PREDMET UGOVORA

Član 2.

Predmet ovog Ugovora je izvođenje radova – Građevinski radovi u objektu sjedišta Naručioca građevinskih radova, unutrašnji radovi, fasada, betoniranje prema prihvaćenoj ponudi Izvođača građevinskih radova i prema zahtjevima Naručioca građevinskih radova.

III UGOVORENA CIJENA

Član 3.

Ugovorena cijena za izvođenje građevinskih radova iz prethodnog člana je:

- Cijena građevinskih radova koja su predmet ovog Ugovora bez PDV-a iznosi: 5.000,00 KM
- PDV-e na ponuđenu cijenu iznosi: 850,00 KM
- Cijena radova koje su predmet ovog Ugovora sa PDV-om iznosi: 5.850,00 KM.

IV - PLAĆANJE

Član 4.

Naručilac građevinskih radova će plaćanje cijene iz člana 3. ovog Ugovora Izvođaču građevinskih radova izvršiti virmanski, po završenom poslu, u roku od 60 (šezdeset) dana od dana ispostavljanja fakture.

Član 5.

Izvođač građevinskih radova se obavezuje da će izvršiti radove – Građevinski radovi u objektu sjedišta Preduzeća – unutrašnji radovi, fasada, betoniranje iz člana 2. ovog Ugovora, u potpunosti prema zahtjevima Naručioca građevinskih radova. Sve nedostatke po osnovu kvaliteta izvršenja građevinskih radova, istaknute u reklamaciji Naručioca građevinskih radova utvrdiće ovlašteni predstavnici ugovornih strana.

VI - UGOVORNA KAZNA**Član 6.**

U slučaju kašnjenja u izvođenju građevinskih radova do kojeg je došlo krivicom Izvođača građevinskih radova, isti će platiti ugovornu kaznu u skladu u iznosu od 1% za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova koja je predmet narudžbe.

Izvođač građevinskih radova dužan je platiti ugovorenu kaznu u roku od 7 (sedam) dana od dana prijema zahtjeva za plaćanje od strane Naručioca građevinskih radova.

Naručilac građevinskih radova neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje Izvođač radova nije mogao uticati niti ih predvidjeti.

VII - GARANCIJE**Član 7.**

Izvođač građevinskih radova garantuje da će izvođenje radova – Građevinski radovi u objektu sjedišta Preduzeća, unutrašnji radovi, fasada, betoniranje zadovoljiti po kvalitetu, prema datom Obrascu ponude i da će ista biti izvršena u roku.

Sve nedostatke u kvalitetu izvršenih građevinskih radova utvrđene prilikom primopredaje radova, Izvođač građevinskih radova je dužan da uvaži i u najkraćem roku otkloni.

VIII - OSNOVNE OBAVEZE IZVOĐAČA RADOVA**Član 8.**

Pored obaveza predviđenih važećim propisima, Izvođač građevinskih radova je posebno dužan da izvršenje radova – Građevinski radovi u objektu sjedišta Preduzeća, unutrašnji radovi, fasada, betoniranje izvrši stručno i kvalitetno, u svemu prema datoj Ponudi.

Član 9.

Izvođač građevinskih radova nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Naručioca građevinskih radova.

IX - OSNOVNE OBAVEZE NARUČIOCA RADOVA**Član 10.**

Naručilac građevinskih radova se obavezuje da će osigurati sredstva za plaćanje iz tekućeg poslovanja.

X - RASKID UGOVORA

Član 11.

Naručilac građevinskih radova ima pravo raskinuti ovaj Ugovor u slijedećim slučajevima:
- ako Izvođač građevinskih radova ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Naručioca građevinskih radova,
- ako Izvođač građevinskih radova ne izvrši radove kvalitetno, date u Ponudi i
- ako poslije djelovanja više sile nije moguće nastaviti realizaciju Ugovora
Ugovor može biti raskinut izjavom Naručioca građevinskih radova ili Izvođača građevinskih radova u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

XI - RJEŠAVANJE SPOROVA

Član 12.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je Okružni privredni sud u Istočnom Sarajevu.

XII - ZAVRŠNE ODREDBE

Član 13.

Ugovorne strane su saglasne da se na sve što nije regulisano ovim Ugovorom primjenjuju važeće odredbe Zakona o obligacionim odnosima.

Član 14.

Ugovor stupa na snagu danom potpisivanja od strane potpisnika ugovornih strana.

Član 15.

Ovaj Ugovor je sačinjen u 4 /četiri / istovjetnih primjeraka od kojih svakoj ugovornoj strani pripadaju po 2 / dva / primjerka.

Broj: 1012 / 19

I.Sarajevo, 10.12. 2019. godine

Broj: 01-326 / 19

I.Sarajevo, 10.12. 2019. godine

IZVOĐAČ GRAĐEVINSKIH RADOVA

Direktor

Siniša Vitković

NARUČILAC GRAĐEVINSKIH RADOVA

Direktor

Branka Obućina